



Synfocity = 904

mail us at : mzsynfo@gmail.com; mizoramsynod@gmail.com - Phone - 2314648

September 1, 2023

❑ **Counselling Training vawi 37-na kharna hun hman a ni**

Family Guidance & Counselling Centre (FG&CC) in August 18 - 25, 2023 chhunga Church Leaders' Pastoral Care & Counselling Training vawi 37-na, Synod Conference Centre-a a buatsaih chu August 25, 2023 (Zirtawpni) zan khan 'Final Evaluation & Graduation Service' neiin khar a ni. He Counselling Training-ah hian Aizawl khawpui chhunga Pastor Bial 9 atangin Kohhran aiawh mi 27 an tel a ni.

Training kharna inkhawm hi Rev. R. Lalhmingthanga'n a kaihhruai a, He hun hmanpuitu Rev. V.L. Luaia Hranleh, Executive Secretary i/c FG&CC chuan Training chhuakte hnenah Certificate semin thuchah a sawi a; "Kan ramah sualna hrang hrang a tam ta hle a, mimal nun chauh ni lovin chhung tin leh Kohhran thlengin a nghawng a ni. Chuvangin kan mite harsatna tawh hi kan vei a ngai takzet tawh a ni. Chung harsatna tawkte chu Krista hnen ata an kal bo lohna turin ei tur kan pek a, kan tuam dam a ngai a ni" tiin training chhuakte chu an thil zirte mi dang tana tjangkai taka hmang turin a chah a ni.

Training kharna inkhawmah hian training chhuakte chuan an hlawkpui dan a lema an ziah chu entirin an hrihfhiah a, Upa Dr. K.C. Roduhawma chuan training chhuakte aiawhin thu a sawi a. Venghnuai Pastor Bial Zaipawl te tum hnih zaiin, FG&CC Committee Member zinga mi Rev. J. Lalremsiama chuan Training chhuakte a tawngtaisak a ni.

FG&CC hian Pastor leh Kohhrana rawngbawltu pawimawh (Church Leader)-te pualin Counselling Training a buatsaih thin a. Pastor-te pual hian kum 1992 atang khan buatsaih tan niin Pastor 535 training chhuak an awm tawh a. Church Leader-te pualin kum 2002 atang khan vawi 37 buatsaih tawhin mi 838 Training chhuak an awm tawh bawk.

Synod hian Counselling Centre pakua - Mission Veng, Bawngkawn, Vaivakawn, Champhai, Serchhip, Kolasib, Lunglei, Mamit leh Khawzawlah te a nei a. Heng Counselling Centre pakuaah hian August ni 17, 2023 thlenga pantu (client) an neih tawh zat chu 56,693 a ni a, kumin 2023 bikah mi 4,680 an nei tawh a ni.

❑ **Jay Jay Karo**

Synod Mission Board Media Sub-Committee buatsaih, Hindi Pathian fakna hla intihsiakna 'Jay Jay Karo' Grand Finale chu Aug. 29, 2023 (Thawhlehi) zan dar 8:00 khan Synfo Studio, Synod Office-ah neih a ni a, Final-ah hian rimawi telin, an duhzawng hla pahnih, an la sak loh hmangin intihsiakna an nei a ni.

Intihsiakna tan hmian Rev. Zochhuanmawia, Director, Masihi Sangati Kendra-in hunserh a hmang a. Top 5 ami - Remruatfela leh Lalthapuii leh 2022 Praise On-a Pakhatna dawngtu NI. Malsawmdawngzuali te an zai bawk.

Lawmman dawngtute chu :

Pakhatna - Sheila Lepcha, Himali Kohhran, Chanmari

Pahnihna - C. Lianzela, Durtlang Leitan

Pathumna - Fabiana Malsawmtluangi, Lungdai

Pakhatna hian ₹ 70,000/- leh Citation, pahnihnain ₹ 40,000/- leh Citation, pathumnain ₹ 20,000/- leh Citation an dawng a ni.

Jay Jay Karo hi NI. P.C. Zonuntluangin a host thin a, intihsiakna hi Judge pathum - P.C. Lianhmingthanga, Dr. Jenny Laldingliani leh T. Laldintluanga ten an endik a. Hruaina Eng TV leh Synod Information Youtube channel-ah pek chhuah thin a ni bawk.

❑ **Synod Mission Board**

◆ **Patna Mission Field**

August 24, 2023 (Ningani) khan belhtu thar pariat an awm a, August 27, 2023 (Pathianni) khan belhtu thar paruk an awm bawk.

♦ **Jharkhand Mission Field**

August 24, 2023 (Ningani) khan belhtu thar panga an awm a, August 27, 2023 (Pathianni) khan belhtu thar 12 an awm.

♦ **Arunachal & Assam Mission Field (West)**

August 27, 2023 (Pathianni) khan belhtu thar pariat an awm a, pawl dang ațangin chhungkaw khat (member 5) kan kohhranah an inpe bawk.

♦ **Nepal Mission Field**

August 27, 2023 (Pathianni) khan belhtu thar pathum an awm.

♦ **Karbi Anglong Mission Field**

August 27, 2023 (Pathianni) khan belhtu thar pakua an awm.

♦ **Odisha Mission Field**

August 27, 2023 (Pathianni) khan belhtu thar pakua an awm.

♦ **Lucknow Mission Field**

August 27, 2023 (Pathianni) khan belhtu thar pathum an awm.

♦ **Delhi Mission Field**

August 27, 2023 (Pathianni) khan belhtu thar pali an awm.

♦ **Barak Area Mission Field**

August 27, 2023 (Pathianni) khan belhtu thar pakhat a awm.

□ **Kristian Hla bu chungchangah inrawn khawmna neih a ni**

Sept. 1, 2023 (Zirtawpni) chawhma dar 11:00 khan Synod Office Committee Room I-ah Mizoram Presbyterian Kohhran leh Mizoram Baptist Kohhran aiawhte chu Kristian Hla bu ennawn chungchangah an inhmukhawm a. He inrawn khawmnaah hian Mizoram Presbyterian Kohhran lam ațangin Synod Worship Executive Committee member 13 leh BCM lam ațangin Kristian Hla bu ennawn committee member 13 an tel thei a. Synod Moderator Rev. Dr. C. Chawngminglianah a kaihrui a ni.

Kristian Hla bu hla awm mek hla 600 ațanga belh leh paih turte an thliar bakah Kristian Hla bu chuang thin - Thu chhiar inchhawn te, ațawngtaina te, Solfa ziah dan te, hla bu hla chuangte phuahtu a dik thei ang bera dah turin uluk takin an en ho a ni.

Tuna Kristian Hla bu kan hman lai hi kum 2004-a revised niin kum sawmhni chuang hman a ni tawh a ni.

□ **Kohhran Ni pawimawh Ramthar Ni hman a ni**

August 31 (Ningani) kha Ramthar Ni a ni a, Mizorama Presbyterian Kohhran rawn dintu Rev. David Evan Jones (Zosaphluia) Mizorama rawngbawl tura a lo thlen ni a nih vangin Mizoram Presbyterian Kohhran tan Ni pawimawh bik a ni. Kum 1972 Mizoram Synod Inkhawmpui chuan, Synod Ramthar Board-in, 'August 31, Pu Zosaphluia Mizorama a lo thlen ni hi Synod Ramthar Ni atan hman ni se', tia a rawtna chu pawmin kum 1973 ațang khan August 31 chu Ramthar Ni atan hman tan a lo ni ta a ni.

Mizoram Presbyterian Kohhran chuan kumin Ramthar Ni pual hian tum khat inkhawm atan programme a siam a, thupui inang tlang 'Hnam tina mi zirtirahte siam ula' tih chu zir ho a ni.

□ **Beihrial thla**

Pathian kaihruihina-in Kohhran hoten Kumin 2023 Beihrial thla kan lo thleng leh ta a, Beihrial programme hi Sept. 1 ațangin hman tan a ni a. Sept. 4 - 10 chhung hian 'Ramthar Hapta' hman a ni ang a, Sept. 25 - 29 chhung hian 'Kristian Chhungkaw Hapta' hman a ni ang a. Sept. 24-ah 'Nu leh Pa Ni leh Kristian Chhungkaw Ni' hman a ni bawk ang. Beihrial hi kum 1918 June thla ațanga hman tan a ni a, kum 1925 ațangin September thlaah neih thin a ni a, kum 1947 ațangin Nilai Zan Thupui Bu leh Beihrial Thupui hi bu khata siam tan niin kumin hi Beihrial kan hman Kum 105-na a ni.

□ **Kohhran Hmeichhia**

♦ August 26, 2023 (Inrinni) khan College veng kohhranah Leadership Training neihpuin Dr. Lalthansangi Fanai, Vice Chairman leh Pi Lalrinawmi, Committee member te an kal.

♦ Sept. 2-3, 2023 chhung hian Jugicherra Pastor Bialah Leadership Training leh Kristian Chhungkaw Campaign neih turin Pi H. Lalfakmawii, General Secretary leh Committee member-te, Pi Lalengzami, Pi R. Tlangmingthangi, Pi Lalhmachhuani te an kal ang.

- ❑ **Trust**
August 30-31, 2023 chung hian Lungleiah Synod House leh Synod inte en felin Pu Lalramenga Royte, J.E. a kal.
- ❑ **Prison Ministry**
 - ◆ August 31, 2023 (Ningani) Ramthar Ni khan Central Jail-ah Fakna Inkhawm (Zaikhawmpui) neih a ni a, Central Women's Jail-ah One Day Crusade neih a ni bawk.
 - ◆ Sept. 3, 2023 (Pathianni) chawhma leh chawhnu hian Central Jail leh Central Women Jail-ah te hun hmang turin Pu Lallawmnakima Hmar, Synod Office; Pu K. Laldawngliana, Synod Office; Pu Lalrempuia, Speaker, Saltang Chhuahtu Team; Upa Denghmingthanga, Member, Synod Prison Ministry leh Salim Zothanpuia te an kal ang.
- ❑ **Finance**
Sept 2-3, 2023 chung hian Phullen Vengthar Bialah Finance Campaign nei turin campaigner-te, Upa Lalrosanga Kawlni, Rev. K. Lalhmuchhuaka, Rev. R. Lalchangliana leh Rev. B. Sangthanga te an kal ang.
- ❑ **MSSU**
Sept. 2, 2023 (Inrinni) hian Sunday School Zirtirtu training neihpui turin trainer-te hetiang hian an chhuak ang:

East Phaileng Bial	-	Upa K. Vanlalnghaka Upa Lalsiammawia Pachuau Upa K. Zoremsanga Upa Zionparlawma
Thenzawl Vengthlang Bial	-	Upa Lalthanchhunga T.Upa Dr. H.P. Lalropuia
- ❑ **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No Khua/Veng	Pek chhan	Chhungkaw zat	Pek zat
1. Chawngtlai	Damlo	1	₹ 10,000/-
2. North Chawnpui	Damlo	1	₹ 10,000/-
		Belh khawm	₹ 20,000/-
- ❑ **Office Kai hun tidanglam**
Synod Office leh Synod hnuaia Dept hrang hrangte Office kai hun tidanglam a ni a, September 2023 atanga February 2024 thlengin dar 9:30 am - 4:00 pm a ni ang.
- ❑ **FM Zoawi - Aizawl & Lunglei : Hruaina Eng Radio Programme**
September 1, 2023 (Zirtawpni) @ 7:30 p.m. :
 - Solo** : C. Lalrindiki - Mamawh chhanna
 - Zaipawl** : Hunthar Bial Zaipawl - I ta ni zel rawh se
 - Thusawi** : Rev. Lalrinsanga, Principal PBS - Presbyterian Bible School chanchin tlangpui
 - Solo** : Isak Malsawmtluanga - Ka chakna
 - Zaipawl** : Airfield Vengthar Bial Zaipawl - Lalpa leh a mite
- ❑ **Su samachar Prasaran Programme :**
September 3, 2023 (Pathianni) 5:30 pm. :
 - Group/Choir/Solo** : R. Jydiel - Mero Jeevan
 - Group/Choir/Solo** : Durtlang Masihi Sangati - Halleluiahs Chorus
 - Sermon** : Rev. P.C. Rohlira
 - Group/Choir/Solo** : Sihphir Vengthar Masihi Sangati - Na to bal se
 - Group/Choir/Solo** : H. Vanlalringa - He Mere Man

- ❑ **Hruaina Eng TV Programme**
 - 1.9.2023 (Zirtawpni) 5:00 pm : Kristian Naupang Pual
 - 2.9.2023 (Inrinni) 5:30 pm : Puitling Sunday School Zirlai
 - 8:30 pm : Rimawi huang
 - 3.9.2023 (Pathianni) 8:00 am : Weekly round up
 - 5:30 pm : Su Samachar Prasaran
 - 4.9.2023 (Thawhtanni) 8:30 pm : Hruaina Eng Luang chhuak

❑ **Moderator leh Executive Secretary-te Programme:**

Rev. Dr. C. Chawngmingliana : Moderator

Aug. 28-31, 2023 Tripura Field tlawh

Rev. C. Zoramawia : Senior Executive Secretary

Aug. 28-31, 2023 Delhi

Rev. V.L. Luaia Hranleh : Executive Secretary

Sept. 4, 2023 Hmangaihna In committee

Sept. 6, 2023 Synod Finance Committee

Sept. 7-8, 2023 John Williams Hospital Committee, Lunglei

Rev. Dr. K. Lallawmzuala : Executive Secretary

Sept. 2, 2023 Worship Consultation, Kolasib

Sept. 6, 2023 MCC Governing Board

Sept. 7, 2023 MDTC Committee

Sept. 8-21, 2023 Field Committee - Arunachal East, West leh North

Sept. 4-ah Synod Trust committee leh ni 5-ah Synod Service Board-ah te Moderator leh Executive Secretary-te an thu ang.

KOHRAN PAVALAI PAWL HRIATTIRNA

2022 Kohhran Pavalai Pawl Report bu la lam lo tan Revival Office-ah Bial leh Kohhran Pavalai Pawl copy a lam theih e.

Revival Director
Synod Office

SYNOD BOOKROOM LEKHABU CHHUAK THAR - AUGUST, 2023

1. Paula-Apostol Danglam: SL&PB	Rs. 150/-
2. Lalpa Berampu Sermon 25 Bu Hnihna: Rev. Dr. C. Vanlalhruaia	Rs. 150/-
3. Ringtu nun Mawi Leh Duhawm: Rev. Dr. R. Dengthuama	Rs. 200/-
4. Chanchin Tha Dak: Vanlallawma	Rs. 200/-
5. Tawi Te Chauh Bu 2-Na: Upa Rosangzuala	Rs. 200/-
6. Universe: N. Malsawmtluangi leh P.C. Lalremruati	Rs. 350/-
7. Rambuai Literature: C. Lalawmpuia Vanchiau	Rs. 500/-
8. Theuneu: Laldawngliana	Rs. 200/-
9. Notre-Dame de Paris: Lalchhuanawma Tochwawng	Rs. 350/-
10. M.C Lalrinthanga: M. Lalmanzuala	Rs. 300/-
11. Mizo Rochun Thu Leh Hla Zir Chianna: H. Laldinmawia leh Enid H. Lalrammuani	Rs. 300/-
12. Suangtuahna Hlimthla & Thu Ngaihnaawm Dangte: R. Lalremruati(Teremi)	Rs. 150/-
13. Ziak Mite Pholeng: T. Vanlalhruaia (Sentei Pa)	Rs. 450/-
14. Ralte Hnam Chanchin: Lalramzauva Ralte	Rs. 200/-
15. Mizo Thu leh Hla Chanchin: MZU Mizo Department	Rs. 200/-
16. Darbu: MZU Mizo Department	Rs. 200/-
17. Mizo Tawng Bihchianna: MZU Mizo Department	Rs. 200/-
18. Sap Tawng Thumal Leh A Tobul: Terema Chhakchhuak	Rs. 500/-